

Xi³ ti¹tjon² xon⁴xi³ pa²stro⁴Pablo
qui³squi³-le⁴Timoteo

Pablo si¹ti²nta³

¹ An³ nia¹³ Pablo, pa²stro⁴-le⁴ Jesucristo nca³ c⁷oa⁴s⁷in² tsa³c⁷e¹ne²-na³ Ni³na¹ xi³ v⁷a³sje³ntjai²-na¹, cao⁴ Nai³-na¹ Jesucristo xi³ ti³cho³ya²-le⁴². ² Ti²cji³-le²³, ji³ Timoteo, ji³ xi³ ña³qui³ ⁷nti¹-na⁴, jo³-s⁷in² ma³cjain¹-na¹. Ni³na¹ N⁷ai³-na¹ cao⁴ Cristo Jesús Nai³-na¹ ca²ta³tsjoa¹-li² cjoa⁴nta³, ca²ta³ma³ma⁴que³-li², ca²ta³si¹qui³njen³nch⁷an¹jⁱⁿ³ ni⁴ma⁴-li⁴.

Pablo v⁷e¹ne² nca³ tsi² tsa² cja⁴ai¹ cjoa⁴fa³ai³tsjen³ coi⁴tso⁴ya³

³ Jo³-s⁷in² tsa³c⁷e³ts⁷oa²³-le²³ c⁷ia⁴ nca³ quia³ ya⁴ Macedonia nca³ tsa³qui³jnai³ ya⁴ Efeso, c⁷oa⁴-s⁷in² v⁷e³ts⁷oa²³-le²³ nt⁷ai⁴, jme¹-ni³ nca³ c⁷oe¹ne²-ni³lai⁴ xi³c⁷a³ nca³ tsi² tsa² cja⁴ai¹-nca¹ cjoa⁴fa³ai³tsjen³ coi⁴tso⁴ya³. ⁴ Ni⁴si¹sin³-jin²le⁴ xi³ to⁴en¹, ni⁴v⁷e¹xqui⁴-jin²le⁴ cho⁴ta⁴jchi¹nca³-le⁴ xi³ tsi²coi³ fe³t⁷a³-le⁴. Je² cjoa⁴-vi⁴ v⁷e¹ntje² xi³ to⁴cjoa⁴cho³va²ya³ti³-ni³. A³li²coi³ v⁷e¹ntje² cjoa⁴-le⁴ Ni³na¹ xi³ ts⁷e⁴ xi³ ma³cjain¹-na¹. ⁵ Coi³ xi³ me³-le⁴ cjoa⁴te¹xo³ma³-le⁴ Ni³na¹ nca³ tsjoa³cha³² cao⁴ ni⁴ma⁴-na¹ xi³ tsje³, cao⁴ cjoa⁴fa³ai³tsjen³nta³-na¹, cao⁴ nca³ ña³qui³ cjoa⁴qui²xi⁴ ma³cjain¹-na¹. ⁶ Tjin¹ c⁷a³ xi³ tsa³qui³ncha³xin²-le⁴ coi³ cjoa⁴-vi⁴. Qui³t⁷a³-le⁴ en¹ xi³ tsi² tsa² coi³ jme³ chji¹-le⁴. ⁷ Me³-le⁴ nca³ maestro-le⁴ cjoa⁴te¹xo³ma³ coan⁴, to⁴nca³ li²coi³ ma³cho⁴ya³-le⁴, ni⁴ xi³ nchja⁴-jin², ni⁴ xi³ si¹qui²xi⁴ya³-jin². ⁸ To⁴nca³ ⁷ya³-nia¹ nca³ je² cjoa⁴te¹xo³ma³ cjai¹nca³ nta³ tjⁱⁿ¹, tsa² cho⁴ta⁴ si⁴²chjen¹ jo³-s⁷in² va³quin²-le⁴. ⁹ ⁷ya³-nia¹ nca³ je² cjoa⁴te¹xo³ma³ ti¹jna³va³sen³ a³li² t⁷a³ts⁷e⁴

cho⁴ta⁴ xi³ tj¹in¹-le⁴ cjoa⁴qui²xi⁴, to⁴t²a³ts⁷e⁴ cho⁴ta⁴ xi³ ch⁷ao³ cjoan³, cao⁴ cho⁴ta⁴ xi³ ve³sin³ cjoa⁴-le⁴ Ni³na¹, cao⁴ xi³ si¹qui²aon³ n⁷ai³-le⁴ na⁴-le⁴, cao⁴ xi³ c⁷en³ si¹c⁷en³, ¹⁰ cao⁴ cho⁴ta⁴cha³jnqui³, cao⁴ je² cho⁴ta⁴x⁷in⁴ xi³ ch⁷ao³s⁷in² ma³tsjoa³que³ x⁷in⁴ xi¹ncjin¹, cao⁴ xi³ si¹che¹ cho⁴ta⁴xi¹ncjin¹, c⁷oa⁴ cao⁴ to⁴jme³-sa³ve⁴ cjoa⁴ xi³ co²ntran⁴-le⁴ cjoa⁴fa³ai³tsjen³ xi³ nta³ tj¹in¹. ¹¹ C⁷oa⁴tso² je² en¹nta³ xi³ t⁷a³ts⁷e⁴ cjoa⁴je³ya³-le⁴ Ni³na¹ xi³ n⁷ion¹ nta³. Coi³ en¹ xi³ qui³s⁷e³ne²-na³ nca³ an³.

Jo³-s⁷in² nca³ si¹xa¹-le⁴ Cristo je² Pablo

¹² Tsjoa³-le⁴ cjoa⁴nta³ je² xi³ qui³tsjoa³-na³ nca³n⁷ion¹, Cristo Jesús Nai³-na¹, nca⁴ c⁷oa⁴-s⁷in² n⁷ion¹t⁷a³con³-na³ nca³ tsa³ca³se¹jna³-na³ je² xa¹-vi⁴. ¹³ Nca³s⁷a⁴ qui³nchja²oan³ Cristo, qui³tjen⁴nqui³co²ntran⁴-le⁴, taon³ tsa³ve³, to⁴nca³ tsa³ve³ma⁴con³-na³, nca⁴ tji¹chjoa² xcoan³ nca³ c⁷oa⁴qui³s⁷ian³, nca⁴ tsi²coi³ coan³cjain¹-na³. ¹⁴ To⁴nca³ je² cjoa⁴nta³-le⁴ Nai³-na¹ cjai¹nca³ coan³ncjin²ya³-na³ jo³-s⁷in² nca³ ma³cjain¹-na³ jo³-s⁷in² nca³ tsjoa³que⁴ nca³ ti²jna⁴coa⁴ Cristo Jesús. ¹⁵ Je² en¹-vi⁴ xi³ ña³qui³ c⁷oa⁴tjin¹, xi³ va³quin²-le⁴ nca³ chjo¹ve¹ nca³ts⁷ia³²: Cristo Jesús ja³ai³ i⁴ son³nte³-vi⁴, ja³ai³ c⁷a³sje³ntjai² cho⁴ta⁴je¹. An³ nia¹³ xi³ cho⁴ta⁴je¹ti¹tjoan²³. ¹⁶ Coi³ cjoa⁴ tsa³ve³ma⁴con³-na³, jme¹-ni³ nca³ c⁷oa⁴-s⁷in² Jesucristo coa⁴co²ti¹tjon²-si¹ni³ t⁷a³ts⁷an⁴ nca³yi³je³ cjoa⁴ma⁴ta³con²-le⁴. C⁷oa⁴-s⁷in² tsa³ca³co¹cho⁴ya³-le⁴ je² xi³ coan⁴cjain¹-le⁴ t⁷a³ts⁷e⁴ Cristo, jme¹-ni³ nca³ s⁷e⁴-si¹ni³le⁴ cjoa⁴vi³jna³chon³ nca³ntsjai². ¹⁷ Je² Cho⁴ta⁴ti¹tjon² xi³ va³te¹xo³ma³ntsjai², xi³ ni⁴c⁷ia³-jin² coi⁴ya², xi³ tsi² tsa² ma³tsen³-na¹, je² Ni³na¹ xi³ to⁴je² to⁴jnco³ Ni³na¹, ca²ta³s⁷e³-le⁴ cjoa⁴nc²a³ cao⁴ cjoa⁴je³ya³ nca³ntsjai² nca³ntsjai². C⁷oa⁴ ca²ta³ma³. ¹⁸ Ji³ n⁷ti¹-na⁴, Timoteo, je² cjoa⁴te¹xo³ma³-vi⁴ v⁷e³ne²³-le²³, jo³-

s²in² to⁴nqui³-ni³ qui³s⁷e³ en¹ t⁷a³tsi⁴ nca³s⁷a⁴, jme¹-ni³ nca³ n⁷ion¹ nta³ coi⁴xcan³-si¹ni³ xi³ to⁴t⁷a³ts⁷e⁴ cjoa⁴-vi⁴. ¹⁹ A³li² ni²cha³jin³-jin² xi³ je³coan³cjain¹-li² cao⁴ cjoa⁴fa³⁷ai³tsjen³nta³-li⁴. Tjin¹ c⁷a³ xi³ tsa³cja³⁷a¹xin²-le⁴ yao³-le⁴ je² cjoa⁴fa³⁷ai³tsjen³nta³-le⁴. C⁷oa⁴-s⁷in² qui³si³cha³ xi³ je³coan³cjain¹-le⁴. ²⁰ C⁷oa⁴²cjoan³ Himeneo cao⁴ Alejandro, je² xi³ an³ qui³tsjao³t⁷a³-le⁴ Satanás, jme¹-ni³ nca³ cao⁴ cjoa⁴ñ⁷ain³ scoe⁴-ni³ nca³ tsi² ma³ no²cjoa⁴⁷aon³.

2

Jo³-s⁷in² ma³chjen¹ nca³ v⁷e²ts⁷oa³²

¹ C⁷oa⁴-s⁷in² v⁷e³ne²³ ti¹tjon²-le⁴ nca³yi³je³ cjoa⁴ nca³ si⁴je¹, c⁷oe¹ts⁷oa³², c⁷oe¹ts⁷oa³ntje², c⁷oe⁴² cjoa⁴nta³ xi³ t⁷a³ts⁷e⁴ nca³ts⁷i³ cho⁴ta⁴, ² xi³ t⁷a³ts⁷e⁴ cho⁴ta⁴ti¹tjon² cao⁴ nca³ts⁷i³ xi³ nc⁷a³ tjio¹, jme¹-ni³ nca³ nch⁷an¹ coi⁴yo³-si¹nia³², c⁷oa⁴ jme¹-ni³ nca³ to⁴jvi³ coa⁴nquin¹cao⁴-si¹nia³² yao³-na¹ nca³ jcha⁴xcoan¹ Ni³na¹ nca³ jcha⁴xcoan¹ cjoa⁴. ³ Je²-vi⁴ xi³ nta³ tjin¹, xi³ sa³sen¹-le⁴ Ni³na¹ xi³ v⁷a³sje³ntjai²-na¹. ⁴ Je² me³-le⁴ nca³ nca³ts⁷i³ cho⁴ta⁴ coi⁴tjo³ntjai², c⁷oa⁴ nca³ coi⁴cho³nch⁷oe² xi³ cjoa⁴qui²xi⁴. ⁵ Jnc³ ma³-ni³ Ni³na¹, c⁷oa⁴-ti⁴ jnc³ ma³-ni³ xi³ chji⁴ne⁴⁷en¹, Jesucristo cho⁴ta⁴x⁷in⁴ xi³ si¹cjao²nta³ Ni³na¹ cao⁴ cho⁴ta⁴son³⁷nte³. ⁶ Je² xi³ qui³tsjao³ yao³-le⁴ jo³-ni³ chji¹-le⁴ xi³ tsa³c⁷e¹chji¹ntjai² nca³ts⁷i³. Qui³ts⁷ai² en¹ xi³ t⁷a³ts⁷e⁴ je²-vi⁴ nca³ ji³cho² ni⁴chjin³ nca³ ts⁷a³cao⁴-le⁴. ⁷ Xi³ t⁷a³ts⁷e⁴ je² cjoa⁴ an³ qui³si³ca³sen¹jna³-na³ nca³ nchja²ya³ nca³ pa²stro⁴ coan³. (Ñ³qui³ cjoa⁴qui²xi⁴ xi³ xian³, a³li²coi³ cjoa⁴nti³so³.) An³ va³co³ya²³-le⁴ cho⁴ta⁴ xi³ li² judfo-jin² jo³-s⁷in² ma³cjain¹-na¹ cao⁴ xi³ cjoa⁴qui²xi⁴.

Jo³-s⁷in² ma³chjen¹-le⁴ nca³ fi²cao⁴ yao³-le⁴ je² xi³ ya¹nchjin¹

8 Me³-na³⁷ni³ nca³ nca^{3ts}?i³ cho⁴ta^{4x}?in⁴ c⁷oe⁴²ts⁷oa³ nca³qui³jnta² ?nte³, nca³ sco¹mi³nc⁷a³ ntsja³ xi³ tsje³, nca³ tsi² tsa² jti³-le⁴, ni⁴ scan³-jin². 9 C⁷oa⁴-ti⁴ je² xi³ ya¹nchjin¹ ca²ta^{3v}?a³cja¹ na³jño³ xi³ nta³ xi³ va³quin²-le⁴. Ca²ta^{3s}?e³ i⁴tse¹-le⁴ cjoa⁴soa³ta³con² nca³ nta³ ca²ta³fi²cao⁴ yao³-le⁴. A³li² to⁴se¹xcon¹-jin² v⁷e¹n⁷ion¹ ntsja⁴jco⁴. A³li² taon⁴si³ne²-jin², a³li² to³fa³nqui³chji¹-jin², a³li² ch⁷o¹tji³chji¹-jin² si¹chjen¹. 10 To⁴sa³ ca²ta^{3s}?in¹ xa¹ xi³ nta³, jo³-s⁷in² va³quin²-le⁴ ya¹nchjin¹ xi³ tso² nca³ ve³xcon¹ Ni³na¹. 11 Je² xi³ ya¹nchjin¹ to⁴jvi³ to⁴jvi³ ca²ta³co^{3t}?a³ya³, na³nqui³ ca²ta³va³tio²-le⁴ nca³yi³je³. 12 Li²coi³ tsjoa³ ?nte³ nca³ ya¹nchjin¹ coi⁴tso⁴ya³-le⁴, ni⁴je²-jin² coa⁴te²xo³ma³-le⁴ cho⁴ta^{4x}?in⁴, to⁴nca³ jyo¹ ca²ta³va³tio², 13 nca⁴ Adán ti¹tjon² qui^{3s}?e³nta³, scan³ Eva. 14 Adán li²coi³ qui³ch⁷a²na⁴cha⁴-le⁴, to⁴nca³ chjon⁴²-ve⁴ qui³ch⁷a²na⁴cha⁴-le⁴, ña³qui³ ts⁷a³ntjai²cjoa⁴-ni³. 15 To⁴nca³ coi⁴tjo³ntjai²-ni¹ nca³ s⁷e⁴-le⁴ xti³, tsa² ña³qui³ c⁷oe¹jna³ntsjai²cao⁴ xi³ ma³cjain¹-le⁴, nca³ tsjoa³que³, nca³ tsje³, nca³ nta³ fi²cao⁴ yao³-le⁴.

3

Cjoa⁴ xi³ ma³chjen¹-le⁴ je² xi³ si¹coi²nta⁴ na⁴xi⁴na³nta¹-le⁴ Cristo

1 Je² en¹-vi⁴ ña³qui³ c⁷oa⁴²tjin¹: Tsa² jnco³ xi³ me³-le⁴ xa¹ nca³ si⁴²coi²nta⁴ na⁴xi⁴na³nta¹-le⁴ Cristo, cjai¹nca³ nta³ xa¹ xi³ me³-le⁴. 2 Ma³chjen¹ nca³ je² xi³ si¹coi²nta⁴ na⁴xi⁴na³nta¹-le⁴ Cristo a³li²jme³ je¹ s⁷e³-le⁴. To⁴jnco³ chjon⁴² ca²ta^{3s}?e³-le⁴. Cho⁴ta⁴to⁴jvi³ ca²ta³ma³, c⁷oa⁴ cho⁴ta⁴⁷i³nta³ta³con², c⁷oa⁴ cho⁴ta⁴ xi³ nta³ si¹cho⁴ya³-le⁴ yao³-le⁴, xi³ nta³ si¹sin³-le⁴ xi³ fa³⁷ai³con³-le⁴, xi³ nta³ ma³-le⁴ va³co¹ya³. 3 Ma³chjen¹ nca³ tsi² si¹sin³-le¹ vino, nca³ tsi² v⁷e¹-le⁴ cho⁴ta⁴. A³li² cho⁴ta⁴chi⁴nca⁴-jin² ma³ t²a³ts⁷e⁴ tso³jmi², nca³ to⁴cho⁴ta⁴nt⁷e¹ ni¹, nca³ li²coi³

cjoa⁴si³ si¹sin³, nca³ li²coi³ chi⁴nca⁴-le⁴ taon⁴. ⁴ Ma³chjen¹ nca³ nta³ va³te¹xo³ma³-le⁴ ni³?ya³-le⁴, nca³ nta³ v⁷e¹ne²-le⁴ xti³-le⁴ nca³ ña³qui³ nta³ ca²ta³ve³xcon¹ cjoa⁴. ⁵ (Je² xi³ tsi² tsa² ma³-le⁴ va³te¹xo³ma³ ni³?ya³-le⁴, jo¹-s⁷in² si⁴2coi²nta⁴ na⁴xi⁴na³nta¹-le⁴ Ni³na¹.) ⁶ A³li² tsa² je²-jin² xi³ to⁴s⁷a⁴ coan³cjain¹-le⁴, jme¹-ni³ nca³ tsi² sca⁴jjin³-si¹ni³ xi³ ti⁴coi³-ni³ cjoa⁴ñ⁷ain³ jo³-ni³ tsa² nai⁴2, nca⁴ nc⁷a³con³ coan⁴. ⁷ C⁷oa⁴-ti⁴ ma³chjen¹ nca³ xi³ cja⁴7ai¹ cho⁴ta⁴ nta³ c⁷oa⁴sje³ nca³ je², jme¹-ni³ nca³ tsi² tsa² sca⁴jjin³-si¹ni³ cjoa⁴soa³ cao⁴ chen⁴-le⁴ nai⁴2.

Cjoa⁴ xi³ ma³chjen¹-le⁴ je² xi³ si¹sin³-le⁴ na⁴xi⁴na³nta¹-le⁴ Cristo

⁸ Ti⁴c⁷oa⁴-s⁷in²ni³ je² xi³ si¹sin³-le⁴ na⁴xi⁴na³nta¹-le⁴ Cristo, tj¹in¹ne²-le⁴ nca³ scoe⁴xcon¹ cjoa⁴, a³li² jao²jan²-jin² v⁷e¹4con³, a³li² to⁴xquia⁴ ?vi³-jin² vino, a³li² cho⁴ta⁴chi⁴nca⁴-jin² ma³ t⁷a³ts⁷e⁴ tso³jmi². ⁹ C⁷oa⁴-s⁷in² ca²ta³s⁷e³-le⁴ je² cjoa⁴7ma³ xi³ ma³cjain¹-na¹ cao⁴ cjoa⁴fa³7ai³tsjen³ xi³ tsje³. ¹⁰ C⁷oa⁴-ti⁴ je² cho⁴ta⁴ xi³ si¹sin³-le⁴ na⁴xi⁴na³nta¹-le⁴ Cristo, ti¹tjon² ca²ta³cho²t⁷a³, c⁷ia⁴2 ca²ta³si¹xa¹, tsa² tsi² tsa² jme³ je¹ tj¹in¹-le⁴. ¹¹ Ti⁴c⁷oa⁴-s⁷in²ni³ je² xi³ ya¹nchjin¹, tj¹in¹ne²-le⁴ nca³ scoe⁴xcon¹ cjoa⁴, a³li² ch⁷ao³-jin² si¹c⁷a³xqui⁴ xi¹ncjin¹. Cho⁴ta⁴ to⁴jvi³ ca²ta³ma³, nta³ ca²ta³si¹cji³tjo³son² nca³yi³je³. ¹² Je² cho⁴ta⁴ xi³ si¹sin³-le⁴ na⁴xi⁴na³nta¹-le⁴ Cristo to⁴jnc³ chjon⁴2 ca²ta³s⁷e³-le⁴. Nta³ ca²ta³va³te¹xo³ma³-le⁴ xti³-le⁴ cao⁴ ni³?ya³-le⁴. ¹³ Je² cho⁴ta⁴ xi³ n⁷ion¹ nta³ si¹sin³-le⁴ na⁴xi⁴na³nta¹-le⁴ Cristo, cjai¹nca³ nta³ ?nte³ sa⁴co²-le⁴, c⁷oa⁴ coan⁴n⁷ion¹con³, nca⁴ ma³cjain¹-le⁴ t⁷a³ts⁷e⁴ Cristo Jesús.

Je² cjoa⁴7ma³-ve³ jo³-s⁷in² ?ya³xcoan¹ Ni³na¹

14 Je²-vi⁴ ti²cji³-le²³, nta³ tsa² ti²co³ya³ nca³ nti⁴ton⁴ cjo³i³cho³nčh⁷oe²-le²³. 15 Tsa² coan⁴tse³ya²-na³, ti²cji³-le²³ jme¹-ni³ nca³ jcha⁴-si¹ni³ jo³-s⁷in² nca³ ma³chjen¹-li² nca³ ʔmi³coai⁴ yao³-li⁴ ya⁴ ni^{3ʔ}ya³-le⁴ Ni³na¹ xi³ coi³ na⁴xi⁴na³nta¹-le⁴ Ni³na¹ xi³ ti¹jna³con³. Nca⁴ nco³ya³-le⁴ xjao¹n⁷ion¹ ni¹, c⁷oa⁴ xjao¹ja⁴ma⁴ xi³ tsjoa¹nca³n⁷ion¹-le⁴ xi³ cjoa⁴qui²xi⁴. 16 Ña³qui³ ʔya³² nca³ts⁷ia³² nca³ cjai¹nca³ to⁴je³ya³ je² cjoa⁴⁷ma³-ve⁴ jo³-s⁷in² ʔya³xcoan¹ Ni³na¹. Ni³na¹ tsa³⁷ya³-le⁴ nca³ cho⁴ta⁴ya³ cjoan³ jo³-ni³ ña¹. Xi³ to⁴t⁷a³ts⁷e⁴ Espíritu Santo tsa³⁷ya³-le⁴ nca³ tj¹n¹-le⁴ cjoa⁴qui²xi⁴. Tsa³ve³ je² a²ncje⁴-ve⁴. Qui³no²cjoa⁴ya³j³in³-le⁴ nca³ts⁷i³ na⁴xi⁴na³nta¹. Xi³ i⁴ son³⁷nte³-vi⁴ tjio¹ coan³cjain¹-le⁴ t⁷a³ts⁷e⁴. Qui³tjoe¹ nc⁷a³jmi³ cao⁴ cjoa⁴je³ya³.

4

S⁷e⁴ c⁷a³ xi³ to⁴xin² ntia⁴² coai⁴

1 To⁴nca³ je² Espíritu Santo nchja⁴tsen³-ni¹ nca³ je² ni⁴čhjin³ xi³ nčhoa¹, tj¹n¹ c⁷a³ xi³ to⁴xin² ntia⁴² coai⁴-le⁴ en¹ xi³ ma³cjain¹-na¹, cjo⁴i⁴nčh⁷oe¹-le⁴ espíritu xi³ v⁷a³na⁴cha⁴-le⁴, cao⁴ cjoa⁴fa³⁷ai³tsjen³-le⁴ nai⁴² xi³ nta³j³in³. 2 Jao² coai⁴-ni³ nca³ coi⁴nchja⁴ en¹nti³so³, nca³ xi¹j³in³ cjoa⁴fa³⁷ai³tsjen³-le⁴, jo³-ni³ xi³ qui³ti²jma²jon³. 3 Li²coi³ tsjoa¹⁷nte³ nca³ coi⁴xan³ cho⁴ta⁴. C⁷oa⁴-s⁷in² c⁷oe⁴²ne² nca³ tsi² tsa² coan⁴ chi⁴ne⁴ tso³jmi² xi³ Ni³na¹ tsa³c⁷e¹nta³. Ni³na¹ tsa³c⁷e¹nta³ tso³jmi² jme¹-ni³ nca³ scoe¹-si¹ni³ je² xi³ nta³ fi²t⁷a³-le⁴ Ni³na¹ cao⁴ je² xi³ ve³ xi³ cjoa⁴qui²xi⁴, c⁷oa⁴ tsjoa¹ cjoa⁴nta³ nca³ scoe¹. 4 Je² nca³yi³je³ xi³ Ni³na¹ tsa³c⁷e¹nta³ nta³-ni¹. Ni⁴to⁴jme³-j³in² xi³ chja⁴⁷a²xian². Coan⁴² chi⁴ne⁴² tsa² c⁷oe⁴² cjoa⁴nta³. 5 Nca⁴ je² en¹-le⁴ Ni³na¹ cao⁴ xi³ v⁷e²ts⁷oa² si¹tsje³-ni³ tso³jmi²-ve⁴.

*Cjoa*⁴ xi³ ma³chjen¹-le⁴ jnc³ xi³ nta³ si¹xa¹-le⁴ Cristo

⁶ Tsa² je² cjoa⁴-vi⁴ c²oa⁴c²oin¹-lai⁴ nts²e³², cjai¹nca³ nta³ si⁴xa¹-lai⁴ Jesucristo. Coan³jcha¹coai⁴ en¹ xi³ ma³cjain¹-na¹ cao⁴ xi³ nta³ cjoa⁴fa³⁷ai³tsjen³ xi³ ji³cho²tjen⁴nqui³-lai⁴. ⁷ To⁴nca³ je² xi³ to⁴xquia⁴ en¹ xi³ v⁷a³sje³nqui³ cjoa⁴-le⁴ Ni³na¹, xi³ tsi²jme³ chji¹-le⁴, ti⁴sen⁴xin²-lai⁴. Ch²a⁴sjai³ nca³n²ion¹-li⁴ xi³ t²a³ts²e⁴ nca³ jcha⁴xcoin¹³ Ni³na¹. ⁸ Je² nca³n²ion¹ xi³ v⁷a³sje³ yao³-na¹ to⁴choa³ chji¹-le⁴, to⁴nca³ c²ia⁴ nca³ ²ya³xcoan¹ Ni³na¹ chji¹-le⁴ ni¹ nca³yi³je³. A³li² to⁴c²oa⁴²cji³ chji¹-le⁴ t²a³ts²e⁴ je² cjoa⁴vi³jna³chon³ xi³ qui³ni²s²e³nqui³-na¹ nt²ai⁴-vi⁴ cao⁴ xi³ s²a⁴ n³choa¹. ⁹ Je² en¹-vi⁴ xi³ ña³qui³ c²oa⁴tjin¹, xi³ va³quin²-le⁴ nca³ chjo¹ve¹. ¹⁰ Coi³ je²-vi⁴ ni²xa⁴ntje². C²oa⁴-ti⁴ chja⁴⁷a²-le⁴² cjoa⁴ñ²ain³ xi³ nchja⁴⁷aon³-na¹, nca⁴ c²oa⁴-s²in² n²ion¹ cho³ya²-le⁴² Ni³na¹ xi³ ti¹jna³con³, xi³ ma³-le⁴ v⁷a³sje³ntjai² nca³ts²i³ cho⁴ta⁴, va³sen²ts²ia³-cjoan²ni³ xi³ ma³cjain¹-le⁴.

Timoteo va¹ntia⁴²-le⁴ cho⁴ta⁴-le⁴ Cristo

¹¹ T²e²nai²³, c²oa⁴ ta⁴co²yai³ coi³ cjoa⁴-vi⁴. ¹² Ni⁴to⁴⁷ya³-jin² xi³ taon³ ca²ta³ve³-li², nta³ tsa² xti³-sai³, to⁴nca³ c²oa⁴-s²in² tja³ntia⁴²-lai⁴ je² cho⁴ta⁴ xi³ ma³cjain¹-le⁴ cao⁴ je² en¹-li⁴, cao⁴ jo³-s²in² ²mi³coai⁴ yao³-li⁴, cao⁴ jo³-s²in² tsjoa³chai³, cao⁴ espíritu-li⁴, cao⁴ jo³-s²in² nca³ ma³cjain¹-li², cao⁴ jo³-s²in² nca³ tsjai³. ¹³ C²ia⁴ ²nta³ nca³ cjo¹choa³, c²oa⁴-s²in² t²e²xquiai⁴, t²e²nai²³, ta⁴co²yai³. ¹⁴ A³li² njion²-ta³con²j²³ je² cjoa⁴tjao² xi³ ti¹jna³-li², xi³ tsa³c²ai²-li², jo³-s²in² tsa³cja³ya³ta³con²-li² c²ia⁴ nca³ cho⁴ta⁴jchi¹nca³-le⁴ cho⁴ta⁴-le⁴ Cristo tsa³ca¹son²-li² ntsja³. ¹⁵ Cho¹t⁴⁷a³ya³coai⁴ je² cjoa⁴-vi⁴, to⁴coi³ xa¹ t²ia⁴, jme¹-ni³ nca³ scoe⁴-si¹ni³ nca³ts²i³ jo³-s²in² nca³ ²mi³ti¹tjoin²³. ¹⁶ Ti⁴coi²ntai⁴ yao³-li⁴, c²oa⁴ ti⁴coi²ntai⁴ je² xi³ ti³va³co²yai³. Ña³qui³ c²oa⁴-s²in² nta³ t²in³cao⁴-sai³. C²ia⁴ nca³ c²oa⁴n²ia²³ nca³yi³je³

je²-vi⁴, c⁷oa⁴s²in² coi²tjo⁴ntjai²³ nca³ ti⁴ji³-ni³, c⁷oa⁴-ti⁴ je² xi³ nch⁷oe¹-li².

5

*Cjoa*⁴nta³ xi³ ma³chjen¹ xi³ t⁷a³ts⁷e⁴ xi³c⁷a³

¹ A³li² no²cjoa⁴ti³cao⁴-jin²³ cho⁴ta⁴jchi¹nca³, to⁴t⁷e²ne²-lai⁴ jo³-ni³ tsa² n⁷ai³-li⁴. Je² xi³ nqui²sa⁴ xti³ t⁷e²ne²-lai⁴ jo³-ni³ tsa² nts⁷ai³. ² Je² ya¹nchjin¹ jchi¹nca³ t⁷e²ne²-lai⁴ jo³-ni³ tsa² na⁴-li⁴, je² xti³ya¹nchjin¹ jo³-ni³ tsa² ti³chjai³ nca³ ña³qui³ tsje³ ca²ta³mai³. ³ Jcha⁴xcoin¹³ ya¹nchjin¹ xi³ c⁷en³ x⁷in⁴-le⁴ xi³ ña³qui³ c⁷an² cjoa⁴qui²xi⁴. ⁴ Tsa² jnco³ ya¹nchjin¹c⁷an² xi³ tj¹in¹-le⁴ xti³ cao⁴ xti³ntai⁴, ti¹tjon²-cjoa²la² ca²ta³ma³-le⁴ xti³-ve⁴ nca³ ca²ta³ve³xcon¹ cho⁴ta⁴ni³7ya³-le⁴ jo³-s²in² nca³ ve³xcon¹ Ni³na¹, c⁷oa⁴ ca²ta³tsjoa¹ nca³jao³-le⁴ cjoa⁴tjao²cha³ xi³jcha¹-le⁴. Je²-vi⁴ xi³ nta³ tj¹in¹ xi³ sa³sen¹-le⁴ Ni³na¹. ⁵ Je² xi³ chjon⁴²c⁷an² cjoa⁴qui²xi⁴ nca³ c⁷en³ x⁷in⁴-le⁴, c⁷oa⁴ xi³ to⁴je² ti¹jna³, je³ti¹co³ya³ t⁷a³ts⁷e⁴ Ni³na¹. C⁷oa⁴s²in² fi²cao⁴-sa³ nca³ si¹je¹ cjoa⁴nta³ nca³ v⁷e¹ts⁷oa³ ni⁴chjin³ cao⁴ ni⁴tjen⁴. ⁶ To⁴nca³ je² xi³ to⁴tsjoa¹⁷n²e³ qui³te³-le⁴ yao³-le⁴ xi³ cao⁴ cjoa⁴tsjoa³, nta³ tsa² ti¹jna³con³ nco³ya³-le⁴ ti¹jna³c⁷en³-ni¹. ⁷ C⁷oa⁴-s²in² t⁷e²nai²³ je² cjoa⁴-vi⁴, jme¹-ni³ nca³ tsi² tsa² jme³ je¹ s⁷e⁴-ni³le⁴. ⁸ Tsa² jnco³ xi³ tsi² tsa² si¹coi²nta⁴ xi¹ncjin¹, va³sen²ts⁷ia³cjoan²ni³ je² xi³ ts⁷e⁴ ni³7ya³-le⁴, to⁴tsa³c⁷e²jna³⁷ma³cao⁴ cjoa⁴ xi³ coan³cjain¹-le⁴. To⁴nqui²sa⁴ ch⁷ao³ si¹c⁷e¹jna³ yao³-le⁴ cao⁴-ni³ xi³ tsi² tsa² ma³cjain¹-le⁴. ⁹ Tja³ya³xqui⁴ t⁷a³ xon⁴ jo³-ni³ ya¹nchjin¹c⁷an² xi³ c⁷en³ x⁷in⁴-le⁴ to⁴je² xi³ je³jan²can³ no¹ tj¹in¹-le⁴, xi³ to⁴jnco³ x⁷in⁴ qui³s⁷e³-le⁴, ¹⁰ xi³ nta³ tsa³⁷ya³-le⁴ xi³ to⁴t⁷a³ts⁷e⁴ xa¹-le⁴ xi³ nta³, tsa² qui³si³jcha¹ xti³, tsa² qui³si³sin³-le⁴ xi³ ja³⁷ai³con³-le⁴, tsa² tsa³ca³ne¹jon³ ntso⁴co⁴ cho⁴ta⁴-le⁴ Cristo, tsa² tsa³qui³ncha²cao⁴ xi³ cjoa⁴va³ tj¹in¹-le⁴, tsa² c⁷oa⁴-s²in² nta³ qui³si³xa¹ nca³yi³je³

cjoa⁴. ¹¹ To⁴nca³ je² ya¹nchjin¹c⁷an² xi³ xti³-sa³ xi³ c⁷en³ x⁷in⁴-le⁴ a³li² ni²c⁷a³s⁷en³t⁷a³-jin²³ xon⁴. Tsa² cja⁴⁷ai¹-nca¹s⁷in² coa⁴tio²⁴-con³, co²ntran⁴-le⁴ Cristo coai⁴-ni³. Scan³-ni³ me³-le⁴ nca³ coi⁴xan³. ¹² C⁷oa⁴-s⁷in² sa⁴co²-le⁴ cjoa⁴n⁷ain³ nca⁴ li²coi³ qui³si³cji³tjo³son² xi³ coan³cjain¹-le⁴ nca³ ti¹tjon². ¹³ C⁷oa⁴²-ti⁴ ma³nca³-le⁴ nca³ ma³ts⁷e², to⁴v⁷e¹ma³son² ni³⁷ya³ nca³ i⁴ nca³ jan¹. A³li² tsa² to⁴coi³-jin² nca³ v⁷e¹ma³ts⁷e², c⁷oa⁴-ti⁴ to⁴cjoa⁴sin³cjoa⁴-le⁴, to⁴ts⁷oa³ v⁷e¹ma³cao⁴. V⁷e¹ma³nchja⁴ xi³ tsi² tsa² ma³chjen¹. ¹⁴ Coi³ xi³ me³-na³ nca³ je² xi³ ya¹nchjin¹c⁷an² xi³ xti³-sa³ xi³ c⁷en³ x⁷in⁴-le⁴, ca²ta³vi³xan³, ca²ta³s⁷e³-le⁴ xti³, ca²ta³va³te¹xo³ma³ ni³⁷ya³-le⁴. A³li² tsjoa¹⁷nte³-jin²le⁴ co²ntran⁴-le⁴ nca³ ch⁷ao³ coi⁴tso⁴. ¹⁵ Je³tjin¹ c⁷a³ xi³ qui³si³c⁷o¹fa³ya³-ni³ yao³-le⁴, xi³ qui³t⁷a³-le⁴ Satanás. ¹⁶ Tsa² jnc³ cho⁴ta⁴x⁷in⁴ a³xo⁴ chjon⁴² xi³ ma³cjain¹-le⁴, xi³ tj¹in¹ xi¹ncjin¹ xi³ ya¹nchjin¹c⁷an² xi³ c⁷en³ x⁷in⁴-le⁴, ca²ta³si¹coi²nta⁴, jme¹-ni³ nca³ tsi² tsa² coan⁴ch⁷a¹ne²-si¹ni³le⁴ je² na⁴xi⁴na³nta¹-le⁴ Cristo, c⁷oa⁴ jme¹-ni³ nca³ s⁷e⁴-si¹ni³le⁴ xi³ ma³chjen¹-le⁴ je² xi³ ya¹nchjin¹c⁷an² cjoa⁴qui²xi⁴. ¹⁷ Je² cho⁴ta⁴jchi¹nca³ xi³ nta³ va³te¹xo³ma³ va³quin²-le⁴ nca³ can³-ni³ c⁷a³ ca²ta³⁷ya³xcon¹, va³sen²ts⁷ia³-cjoan²ni³ xi³ tse³ xa¹ tj¹in¹-le⁴ nca³ nchja⁴ya³ nca³ va³co¹ya³. ¹⁸ Je² xon⁴ Escritura c⁷oi⁴tso²: A³li² n⁷o¹-jin² v⁷e²⁷ai³ je² n⁷cha⁴ja⁴nt⁷e¹ xi³ si¹c⁷a³tji³ trigo-ve⁴. Cjai¹nca³ va³quin²-le⁴ nca³ je² xi³ si¹xa¹, ca²ta³ma³chji¹-le⁴. ¹⁹ A³li² ni²sin³-jin²³ xi³ va¹nqui³ cho⁴ta⁴jchi¹nca³, tsa² tsin³-le⁴ jao² jan² testigo xi³ si¹qui²xi⁴ya³ cjoa⁴. ²⁰ Je² xi³ tjio¹ma³jnqui³ je¹ ti⁴no²cjoa⁴ti³coai⁴ nqui³xcon⁴ nca³ts⁷i³, jme¹-ni³ nca³ xi³c⁷a³ c⁷oa⁴-s⁷in² coan⁴xcon¹-si¹ni³le⁴. ²¹ V⁷e³ne²³-le²³ nqui³xcon⁴ Ni³na¹ cao⁴ Nai³-na¹ Jesucristo cao⁴ a²ncje⁴ xi³ qui³tjoe¹j¹in³, nca³ t⁷e²j¹in³-ta³coin²³ nca³yi³je³ cjoa⁴-vi⁴. Ni⁴jme³-jin² cjoa⁴ xi³ to⁴nqui³-ni³ c⁷oe¹nta³j¹in³, c⁷ia⁴ nca³

cje³ tsin² cjoa⁴ qui² xi⁴. Ni⁴⁷ ya³-jin² cho⁴ ta⁴ xi³ chja⁴⁷ a² jin³ nca³ si⁴ sin³-lai⁴. ²² A³ li² ya³ xi³ fa³ son² nti⁴ ton⁴-lai⁴ ntsai⁴, nca³ c⁷ oai⁴-lai⁴ xa¹. A³ li² ya⁴-jin² ni² jnc³ coai⁴ je¹-le⁴ xi³ cja⁴⁷ ai¹. Ña³ qui³ tsje³ ti⁴ jnai³. ²³ A³ li² to⁴ xquia⁴ na³ nta¹-jin² yoi³, to⁴ nca³ ti⁴ chjen¹ i⁴ tsai¹³ vino xi³ t⁷ a³ ts⁷ e⁴ nts⁷ oai³ cao⁴ je² ch⁷ in³ xi³ tj¹ ntsjai²-li². ²⁴ Je² je¹-le⁴ c⁷ a³ cho⁴ ta⁴ tjio¹ son² tsen³-ni¹ ti¹ tjon² nca³ s⁷ e³ nta³ jin³-le⁴, to⁴ nca³ xi³ c⁷ a³ scan³ coan⁴ tsen³ ts⁷ e⁴. ²⁵ C⁷ oa⁴-ti⁴ s⁷ in² je² xi³ nta³ xa¹ tjio¹ son² tsen³-ni¹ ti¹ tjon². C⁷ oa⁴ je² xi³ cja⁴⁷ ai¹-s⁷ in² cjoan³ li² coi³ coan⁴ coa⁴ tio⁴⁷ ma³.

6

¹ Je² nca³ ts⁷ i³ xi³ cho⁴⁷ nta³ ma³ ca² ta³ ve³ xcon¹ nai³-le⁴, jme¹-ni³ nca³ tsi² tsa² coi⁴ no² cjoa⁴⁷ aon³-ni³ le⁴ jan³⁷ ain¹-le⁴ Nai³-na¹ cao⁴ je² cjoa⁴ fa³⁷ ai³ tsjen³-le⁴. ² Je² xi³ tj¹ n¹-le⁴ nai³ xi³ ma³ cjin¹-le⁴ t⁷ a³ ts⁷ e⁴ Cristo, a³ li² to⁴ cjoa⁴-jin² ve³ con³, nca⁴ c⁷ oa⁴²-ti⁴ nts⁷ e⁴. To⁴ sa³ nqui² sa⁴ nta³ ca² ta³ si¹ xa¹-le⁴ nca⁴ je² nai³-le⁴ cho⁴⁷ nta³-ve⁴ c⁷ oa⁴-ti⁴ ma³ cjin¹-le⁴ t⁷ a³ ts⁷ e⁴ Cristo, c⁷ oa⁴ tjao² cha³ ma³ xi¹ ncjin¹. Je² cjoa⁴-vi⁴ ta⁴ co² yai³, c⁷ oa⁴ t⁷ e² nai²³.

Nta³ c⁷ oe¹ jnc³-ta³ coan² nca³ ya³ xcoan¹ Ni³ na¹

³ Tsa² tj¹ n¹ c⁷ a³ xi³ cja⁴⁷ ai¹ tso² xi³ va³ co¹ ya³, xi³ tsi² coi³ tji¹ jnc³ con³ t⁷ a³ ts⁷ e⁴ je² en¹ xi³ nta³ xi³ ts⁷ e⁴ Nai³-na¹ Jesucristo cao⁴ je² cjoa⁴ fa³⁷ ai³ tsjen³ jo³-s⁷ in² nca³ ya³ xcoan¹ Ni³ na¹, ⁴ je² cho⁴ ta⁴ ma³ nc⁷ a³ con³-ni¹. Ni⁴ jme³-jin² xi³ ma³-le⁴, to⁴ cjoa⁴ sca¹ tj¹ n¹-le⁴ t⁷ a³ ts⁷ e⁴ xi³ to⁴⁷ en¹ xi³ to⁴ cjoa⁴ cho⁴ va² ti³ ya³-ni³. Ya⁴ nchoa¹-ni³ cjoa⁴ xin² ta³ con², cjoa⁴ vi³ xcan¹, en¹⁷ aon³, cao⁴ xi³ to⁴ cjoa⁴ tjao² va¹ ne²-le⁴ cjoa⁴. ⁵ Ya⁴ nchoa¹-ni³ xi³ ch⁷ ao³-s⁷ in² fao¹ ti³ cho⁴ ta⁴ xi³ je³ chi³ tson³ ya² cjoa⁴ fa³⁷ ai³ tsjen³-le⁴, xi³ tsin²-le⁴ cjoa⁴ qui² xi⁴-jin², xi³ to⁴ ve³ xcon¹ Ni³ na¹ t⁷ a³ ts⁷ e⁴ xi³ njen³-le⁴. Chja⁴⁷ a² xin²-lai⁴ yao³-li⁴ xi³ c⁷ oa⁴ cjoan³. ⁶ Cjai¹ nca³ to⁴ tse³ coi⁴ njen⁴-na¹ tsa² v⁷ e² jnc³ ta³ coan²

nca³ ?ya³xcoan¹ Ni³na¹. ⁷ Ni⁴to⁴jme³-jin² cjoa⁴ xi³ qui³tsin³coa⁴² i⁴ son³⁷n³te³. Ña³qui³ c⁷oa⁴-jin² tjin¹ nca³ ni⁴jme³-jin² xi³ coan⁴-na¹ ch⁷a⁴sje³². ⁸ Tsa² tjin¹-na¹ xi³ chi³ne³² cao⁴ na³jño³ xi³ ch⁷a²cja¹, to⁴c⁷oa⁴-s⁷in² c⁷oe¹jnc³-ta³coan². ⁹ Je² xi³ me³-le⁴ nca³ coan⁴nchi⁴na¹ sca⁴j³in³ xi³ ch⁷ao³ si⁴²cao⁴, c⁷oa⁴ sca⁴nqui³ tsa² chen⁴. Sca⁴j³in³ cjoa⁴xin²ta³con², c⁷oa⁴ cjoa⁴sca¹ xi³ si¹qui²⁷aon³, xi³ si¹cha³j³in³ xi³ si¹cji³tson¹ cho⁴ta⁴. ¹⁰ Je² xi³ si¹me³con³ taon⁴, ya⁴ n³choa¹-ni³ nca³yi³je³ cjoa⁴ts⁷en⁴. Je² cho⁴ta⁴ xi³ coi³ si¹me³con³, xin² n³tia⁴² qui³-le⁴ en¹ xi³ ma³cjain¹-na¹. A³li² to⁴c⁷oa⁴cji³ cjoa⁴so³ cjoa⁴ñ⁷ain³ tsa³cja³⁷a¹.

Je² cjoa⁴jchan¹ xi³ nta³ t⁷a³ts⁷e⁴ xi³ ma³cjain¹-na¹

¹¹ To⁴nca³ ji³, cho⁴ta⁴ xi³ ts⁷e⁴ Ni³na¹, ti⁴sen⁴xin²-lai⁴ cjoa⁴-vi⁴. C⁷oa⁴-s⁷in² t⁷in³coai⁴ yao³-li⁴ cao⁴ xi³ cjoa⁴qui²xi⁴, cao⁴ cjoa⁴xcon¹ta³con² t⁷a³ts⁷e⁴ Ni³na¹, cao⁴ xi³ nta³ ma³cjain¹-li², cao⁴ cjoa⁴tjao²cha³, cao⁴ cjoa⁴tse³ta³con², cao⁴ cjoa⁴⁷i³nta³j³in³ta³con². ¹² Nta³ ti⁴xcan¹t⁷ai³je² cjoa⁴jchan¹ xi³ nta³ t⁷a³ts⁷e⁴ xi³ ma³cjain¹-na¹. Chjoai¹³ je² cjoa⁴vi³jna³chon³ xi³ nca³ntsjai², je² xi³ qui³no²cjoa⁴-ni³li² c⁷ia⁴ nca³ nta³ tsa³c⁷ai² cjoa⁴qui²xi⁴-li⁴ nqui³xcon⁴ ncjin² testigo. ¹³ C⁷oa⁴-s⁷in² v⁷e³ne²³-le²³ nqui³xcon⁴ Ni³na¹ xi³ tsjoa¹ntsjai²-le⁴ cjoa⁴vi³jna³chon³ nca³yi³je³, c⁷oa⁴ nqui³xcon⁴ Jesucristo xi³ nta³ qui³tsjoa³ cjoa⁴qui²xi⁴-le⁴ nqui³xcon⁴ Poncio Pilato. ¹⁴ Nta³ ti⁴jna³coai⁴ je² cjoa⁴te¹xo³ma³-vi⁴, jme¹-ni³ nca³ tsi² jnti¹ coan⁴-si¹ni³, c⁷oa⁴ nca³ tsi² ch⁷ao³ coi⁴tjo³-si¹ni³ sa³⁷nta³ nca³ coan⁴tsen³ nqui²ntia³-ni³ Nai³-na¹ Jesucristo. ¹⁵ C⁷ia⁴ nca³ cjo⁴cho³ ni⁴chjin³-le⁴, Ni³na¹ si⁴²c⁷a³tsen³ Cristo. Ni³na¹ to⁴je² xi³ c⁷oa⁴-s⁷in² n⁷ion¹ nta³ ti¹jna³, xi³ to⁴je² xi³ nc⁷a³ cjoa⁴te¹xo³ma³ tjin¹-le⁴, Cho⁴ta⁴ti¹tjon² xi³ ti¹tjon²-le⁴ nca³ts⁷i³ cho⁴ta⁴ti¹tjon², Nai³ xi³ ti¹tjon²-le⁴ nca³ts⁷i³ nai³. ¹⁶ To⁴je² Ni³na¹ xi³ ni⁴c⁷ia³-jin² m⁷en³. Ya⁴

ti¹jna³j³i³ l⁷i¹ xi³ tsi² tsa² ²ya³ xi³ coan⁴ cjo⁴i⁴cho³. Je² xi³
 ni⁴jnc³-jin² cho⁴ta⁴ tsa³ve³, ni⁴coan⁴-jin²le⁴ scoe⁴. Je²
 ca²ta³s⁷e³-le⁴ cjoa⁴je³ya³, ca²ta³s⁷e³-le⁴ cjoa⁴te¹xo³ma³
 nca³ntsja². C⁷oa⁴ ca²ta³ma³. ¹⁷ Je² cho⁴ta⁴nchi⁴na¹ xi³
 tjin¹ son³nte³, t²e²ne²-lai⁴. A³li² nc⁷a³-ta³con²j²in² ma³.
 A³li² si¹n⁷ion¹t⁷a³-ta³con²j²in² je² cjoa⁴nchi⁴na¹-ve⁴ xi³ tsi²
 c⁷oa⁴tjin¹. Ca²ta³si¹n⁷ion¹t⁷a³con³ Ni³na¹ xi³ ti¹jna³con³,
 xi³ cja¹nca³ tse³ tsjoa¹-na¹ nca³yi³je³ tso³jmi², jme¹-ni³
 nca³ s⁷e⁴-si¹ni³na¹ cjoa⁴tsjoa³. ¹⁸ Je² cho⁴ta⁴nchi⁴na¹-ve⁴
 cjoa⁴nta³ ca²ta³s⁷in¹, n⁷ion¹ tse³ cjoa⁴nta³ ca²ta³s⁷e³-
 le⁴, ca²ta³si¹tjao²cha³ xi³ yo⁴ma⁴, nca³ sin³ nca³ nta³
 ca²ta³tsjoa¹. ¹⁹ C⁷oa⁴-s⁷in² ca²ta³v⁷e¹xco¹ xi³ ti⁴t⁷a³ts⁷e⁴-ni³
 jo³-ni³ tsa² xi³ ca²s⁷e³ntje² t⁷a³ts⁷e⁴ ni⁴χjin³ xi³ cjoa⁴ai¹,
 jme¹-ni³ nca³ scoe¹-si¹ni³ cjoa⁴vi³jna³chon³ xi³ nca³ntsja².
²⁰ Ji³-lai²³ Timoteo, nta³ ti⁴jna³coai⁴ je² xi³ qui³s⁷e³ne²-
 li². Ti⁴sen⁴xin²-lai⁴ na⁴jmi¹ xi³ to⁴cjoa⁴tjao², xi³ tsi²jme³
 chji¹-le⁴ t⁷a³ts⁷e⁴ Ni³na¹, cao⁴ xi³ cjoa⁴cho³va²ya³ti³-ni³ xi³
 ts⁷e⁴ cjoa⁴chji⁴ne⁴nti³so³. ²¹ Tjin¹ c⁷a³ xi³ si¹qui²xi⁴ya³ coi³
 cjoa⁴, to⁴nca³ xin² ntia⁴² qui³-le⁴ en¹ xi³ ma³cjain¹-na¹.
 Ca²ta³s⁷e³-li² cjoa⁴nta³. C⁷oa⁴ ca²ta³ma³.

Xon⁴-le⁴ ni³na¹ xi³ tʔa³tsʔe⁴ Jesucristo

New Testament in Mazatec, Huautla (MX:mau:Mazatec, Huautla)
copyright © 1960 Wycliffe Bible Translators, Inc.

Language: Mazatec, Huautla

Translation by: Wycliffe Bible Translators, Inc.

Mazateco, Huautla [mau], Mexico

Copyright Information

© 1960, Wycliffe Bible Translators, Inc.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

- You must give Attribution to the work.

- You do not sell this work for a profit.

- You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Mazatec, Huautla

© 1960, Wycliffe Bible Translators, Inc.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

- You include the above copyright and source information.

- You do not sell this work for a profit.

- You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

PDF generated using Haiola and XeLaTeX on 12 Jun 2019 from source files dated 15 May 2019

69c7ee6e-d3c3-563f-a672-6ad58122d8ed